

**Kalaallit Nunaanni unnerluussissutit il.il. nuutinnerinik
tusagassiorfiit paasitinneqarsinnaatitaanerat
toqqortaqaarsinnaatitaanerallu pillugit nalunaarut**

Kalaallit Nunaanni eqqartuussisarnermik inatsimmi § 102, imm. 1 aamma 7, tak. inatsit nr. 305, 30. april 2008-meersoq, naapertorlugit aalajangersarneqarpoq:

§ 1. Eqqartuussisarnermik inatsimmi § 102, imm. 1 naapertorlugu unnerluussissutit nuutinnerinik unnerluussissutip unnerluutigineqartumut pasillerneqartumulluunniit nalunaarutigineqarnerata kingorna sapaatip akunnerata ataatsip qaangiunnerani tunniussisoqaarsinnaavoq.

Imm. 2. Unnerluussissut nalunaarutigineqarsimangippat, kisiannili unnerluutigineqartumut pasillerneqartumulluunniit nalinginnaasumik allakkat aqqutigalugit nassiunneqarsimappata, unnerluussissut utertillugu nassiunneqarsimangippat, nuutinneqarnera nassiunneqarneranit sapaatip akunneri sisamat qaangiunneranni tunniunneqarsinnaavoq.

Imm. 3. Unnerluussissutip nuutinnera imm. 1 aamma 2 apeqqutaatinnagit ullormi eqqartuussinissamik piareersaaffimmi tunniunneqarsinnaavoq.

§ 2. Eqqartuussutit allassimaffiisa nuutinneqarneri pinnagit eqqartuussisut allattaaviisa nuutinneri unnerluussutillu eqqartuussisarnermi inatsimmi § 102, imm. 1 aamma 4 naapertorlugit tunniunneqartut tiguneqarnermik kingorna inimi, sikaavimmi assigisaaniluunniit paarnaqqasumi immikkut toqqorneqassapput taamaallaallu tusagassiorfinni tusagassiortunit aaqqissuisoqarfinnilu sulisunit allanit kisimik takuneqarsinnaatitaallutik.

§ 3. Pinerluttulerinermik inatsit malillugu sukannernerusumik pineqaatissiisoqarsimangippat § 2-mik unioqquitsinermut akiliisitaasoqassaaq.

Imm. 2. Ingerlatseqatigiiffiit il.il. (inatsisitigut akisussaasut) pinerluttulerinermi inatsimmi kapitali 5-imi aalajangersakkat malillugit akisussaatinneqarsinnaapput.

§ 4. Nalunaarut ulloq 1. januar 2010 atuutilerpoq.

Inatsisit atortinneqarnerannut ministeriaqarfik, ulloq 15. december 2009

BRIAN MIKKELSEN

/ Jens Røn